

Con Trupialen a wordo lanta y forma pa Frere Alexius

Mi a tende cu e historia di fundacion di De Trupialen, ta un historia cu hasta esnan cu a forma parti na comienzo di formacion di e grupo aki no ta conoci. Mi a wordo dirigi pa Alcides "Chido" Quilotte cu sa di esaki y cu lo tin potret di esaki. Chido a haci tur esfuerzo pa relata y pone riba papel tambe loke ta formacion di De Trupialen y con e plan a wordo forma pa esaki. El a coba y coba y sali cu dos potret pa ilustra e comienzo, cual fotonan a wordo haci grandi pa Sr. Calulo Comemencia na Graficas Aruba, pa por a wordo usa cu e articulo aki. Aki ta sigui e relato di Chido

Juby Naar.

E PLAN

Tabata un diabierna atardi den klas 6 B di La Salle College na 1952 cu Frere Alexius a conta pa prome biaha di su plan di forma un coro di mucha homber.

Tabata e prome klas cu Frere Alexius a haya ora cu el a bin di Hulanda.

E klas tabata keda mas pariba di piso abao.

Den siman frere a bisa e muchanan pa bin diabierna cu un paña bunita pasobra diabierna merdia nan ta saca potret di e klas.

Diabierna despues di sacamento di potret, e muchanan a drenta klas atrobe. E resultado di e potret ta e prome potret cu por mira aki.

Den klas frere a bisa e muchanan cu pa diabierna venidero nan mester bin cu un cancion pa nan canta y nan lo haya un punto pa cantamento.

E muchanan a cuminsa murmurar den otro "mi no sa canta", "mi no tin cantica", "mi mayornan no sa nada di cantamento", "Dios sa con ta para", etc.

Frere a bisa tambe cu si tin mucha cu mas cu un cantica, e por duna un otro mucha un pa e por participa tambe.

Bel a bati y pafu riba speelplaats hopi idea a bin dilanti pa e cantamento di otro si-



Di robez pa drechi **SINTA:** Alex de kort, Frits Croes+, Alcides "Chido" Quilotte, Jossy Luidens+, Werleman, Harold Arends+, PARA Juan Tromp, Lorenzo "Lauchi" Eduardo, Alfonso Estrada, Lino Lopez, Nino Habibe, Gordon Personage, Louis "Chito" Paris, Andres "titi" Vrolijk+, Tarcisio Mathilda, Sinta riba baki di mata Angel Monart+, Para riba baki di mata na banda robez Willem "Wiwi" + Flanegin, Carlos Leañez+, Hartog, Fichi Kock, Leo Croes+, Cosme Helder, Oscar Heronimo, Babi Romero, Ebby Arends, para riba baki di mata Hubert "Porrois" Tromp y Harold "Joy" Oduber, Ultimo rij banda robes Johannes "Jani" Hoeverts, van Trigt, Aldemaro "Papa" Romero, Mario "Mai" Maduro, Frere Alexius+, Norman "Nooy" Hart+, Panneflek+, Julio "Julito" van Dinter+.

man. E siman a pasa lihe y dia di canto a yega.

Asina cu e muchanan a drenta klas 1 or merdia, frere a bay para dilanti klas y a bisa e muchanan cu e ta bay yama tur di nan, un pa un, pa bin dilanti klas pa canta su cancion, via rij di banki. El a ripiti cu tur hende ta haya un punto y esnan cu ricibi un tien (10) ta e mihoran.

Pa prome biaha el a usa e frasenan di su plan. Emociona cu sonrisa riba su cara el a bisa: "Mi tin un pensamiento, un plan pa bin cu un 'coro' di mucha homber pa canta den misa hunto cu frere y soeurnan".

Tur hende a keda keto y nervioso, pasobra e momento a yega pa un pa un di e muchanan wordo yama pa bin dilanti. Tabata tin hopi aplauso y harimento."

El a relata di e muchanan cu a bin dilanti te cu a yega su turno.

A yega momento pa Chido Quilotte bin dilanti. E no a muestra nervioso. El a cuminsa toca maraca y canta e bolero romantico "Perfidia". E muchanan a keda boca habri cu Chido a bin cu un

cancion di hende grandi y na spaño. Ningun otro mucha a bin cu cantica na spaño. Na final tabata tin hopi aplauso y Chido a ricibi un tien (10) pa su cancion, bolero.

Despues di cantamento di e alumnonan di 6B Frere Alexius, tur e muchanan a bati man y frere a bisa esnan cu a haya 10 pa cantamento cu otro siman nan mester presenta cu otro paña, manera den carnaval. "Puntra boso mama si e por cose algo pa boso. Tur hende por trece algo pa toca. Tambe nos ta bolbe saca potret", e frere a bisa nan.

Chido a sigui su relato contando cu Frere a haya algun mucha pa su coro y tambe pa actua, esta hunga comedia. Pesey el a pidi e muchanan pa bisti un otro paña manera den carnaval, pa wak si e muchanan tin miedo o berguensa di bisti manera den carnaval.

Pa schminkmento, esta makiyahe, no tabata tin problema pasobra Chido a trece for di cas corki kima pa pinta un bigoti pero varios mucha a pidi e pa pinta pa nan. E no por a sigui pinta pasobra

mester a bay saca potret.

Cu e capitulo aki, frere a saca otro parti di su pensamiento. E prome tabata "canto" y e di dos pensamiento ta "teatro". Den tres siman frere Alexius a cuminsa realiza e soño cu e tabata tin.

Na labamento di cara pa kita bigoti, barba, chibo, a pasa algo inexplicable cerca un di e muchanan pasobra e bigoti

no kier a kita. Ni maske kico a haci e corki no kier a kita. **Ken esey ta?**

Nos ta na aña 2013 y ainda e bigoti ta riba lip di Chido cu awe tin bigoti poco shinishi y no tabata tin mas caso.

**Telefonnan di
DIARIO
582-6747
Fax 582-8551**

IGUANA
JOES
caribbean bar & grill

Santa Joes
ISLAND CAFE

Aruba Joe's operates three casual dining restaurants on the island and is looking for new team members to join our growing operations

Available positions:

- * Server
- * Busser

Job requirements:

- * Able to work flexible hours (day / night / week-ends)
- * Prior experience
- * Fluent English
- * Ages between 18-45

You can apply in person or e-mail at:

Address: Bubali 120

Tel: 587-9062

careers@iguanajoesaruba.com

Trupialen *Continuacion pagina 24*



Riba e otro potret cu algun di nan disfraz, por mira **SINTA** riba baki di mata **Juan Tromp** cu acordeon y petchi, **Andres "Titi" Vrolijk** + cu sweater blanco, gilette preto cu blanco bigoti y chibo, **Hartog** e boer cu pipa, **Gordon** Personage como boerin, **Harold "Joy" Oduber** e sneiro cu sker grandi den man y meetlint riba schouder banda drechi, **Willem "Wiwi" Flanegin** como e nar cu bigoti y barba sinta riba un tambu, **Alcides "Chido" Quilotte** cu camisa di Hawaii, sjaal di colof sambre grandi cu bigoti y maraca den man, **Alfonso Estrada, Jossy Luidens** + cu maraca, frere **Alexius** cu acordeon. **Di dos rij** riba baki di mata banda robes, **Alex de kort** y **Angel monart** +, **Leo Croes, Lino Lopez** +, **Hubert "Porois" Tromp, Labijo, Harold Arends** +, **Louis "Chito" Paris**, para riba baki di mata banda drechi **Frits Croes** +, di robes pa drechi, **Lorenzo "Lauchi" Eduardo** cu sombre grandi-dobla, **Norman "Nooy" Hart** + cu maraca den man, **Babi Romero** cu sombre grandi dobla papiando cu **Nino Habibe, Cosme helder, Mario "Mai" Maduro, Papa Romero** cu raspa "Elbert

"**Ebby**" **Arends, Carlos Leañez** +, **Oscar Heronimo**. Para ultimo riba baki di mata banda robes **Johannes Hoeverts, "Jani, Fichi Kock** +, **Nino Habibe, van Trigt, Tarcisio Mathilda** + cara so ta sali **Panneflek** +.

Despues di a saca potret, e otro cu por mira e frere cu acordeon y muchanan disfraz, e muchanan a bay basha pieza den klas. Tabata tin hopi musico. dos tocado di acordeon, un tambu, hopi maraca, un clabiyo, un raspa y hopi voz. Tabata manera un jumpup di carnaval. Gritamento, baliamento sin berguensa, hisa man na laira, hopi musica, yen di alegria. Bel a bati y e muchanan no a worry mes. Cantidad di mucha di otro klas a bin para dilanti bentananan pa weita e jump up. A bira tempo pa fiesta caba y esey frere a haci tambe. No ta muchanan cu a bisti na carnaval so a ricibi un diez (10) pa cantamento y por a join e coro, pero tabata tin mas mucha cu a haya e cifra ey pa cantamento pero cu no a bay cu otro paña bisti, pero si nan a join e coro.

Dia 13 di januari 1953 tur e muchanan di tur e 6de klas-

nan y un paar di 5de klas cu a ricibi un bon cifra, a bini hunto den club cu despues a bira e "**Neishi di Trupialen**" y pa prome biaha por

a "**Hoor de Trupialen**" cu for di e fecha ey a bira coro oficial.

Te awor aki, esnan di antes ta bisa cu nan no por lubida e

neishi di "**De Trupialen**" y nan ta sinti nan mes un trupial ainda.

E atardi aki, e muchanan y frere **Alexius** tabata contento y entusiasma den club. E prome cos cu fere a haci ta chek e voz di e muchanan acompaña pa un orgel di mas o menos un meter hancha. E soño y pensamiento di e frere a bira realidad.

Frere **Alexius** a bay laga nos pero su frutonan a keda atras. Pesey no por keda sin felicita **De Trupialen** cu nan 60 año di existencia den nos cultura y pabien na tur esnan cu awe ta dirigi e grupo aki, pabien na ex **Trupialen** y e miembronan cu tambe a celebra e 60 año, **Chido** a bisa. El a expresa tambe deseo di hopi forza, hopi pasenshi y perseverancia na directiva di **De Trupialen**, den nan tarea di engrandecé nos cultura. "**Un trupial bo ta reconoce den comunidad pa su pluma 'hoor de Trupialen zingen'**", segun e **Trupial** di mas edad **Chido Quilotte** cu a relata e historia aki.

Are you our new
Software Developer?

Gamma
RESEARCH INC.
Software That Works!

We are looking for some young and energetic Software Developers to join our team of dynamic professionals. As a software developer you will be designing and developing web-based and desktop software applications using mainly Microsoft Tools.

Primary tasks

- Full lifecycle application development
- Designing and coding applications in various software languages
- Software, code and requirements analysis
- Object-oriented design and analysis

Skills

- Experience with (Object Oriented) Programming
- Knowledge of database architecture and design
- Fluent in English (oral and written)
- Creative and problem solving skills

What do you get?

We offer you a good salary, fringe benefits, a pleasant working environment and excellent training and career opportunities.

For information about this position you may contact Gamma Research, Mr. Frank Baks, phone 583-7989. Please submit your application by e-mail to jobs@gammaresearch.com.

Beatrixstraat 43
Oranjestad

Telefonnan di DIARIO
582-6747 Fax 582-8551